



28





Ewang. S. L. In Ymo Johannis

Baptiste Celebratum Martin. Luth. Ecclesi.
Vuitenbergensis. Anno. M. D. XXII.

Elizabet impletū est temp⁹ pariendi.

Dieser hailiger sant Johans hat eyn ander visach
das man sein fest feyret wen die ander hayligenn.
Darumb ist auch sein legendt so feynn herlich be/
schriben in disem Euangelio Als keyns andern/
hier feyret

die andern feyrt man als vmb yres gūten leben willen/ vnnnd
ist da hyn kommen/ das mann sie höher hebt wann man solt
Ich hab vor hynn gesagt/ Das ein ander ding ist/ die leer vnd
das leben/ Darumb solt yrs gar wol scheyden. denn got ist nie
soul gelegen am leben den an der leere/ Darumb last er die seyn
offt strachen im leben wie wir lesen. Aber was die lere angeet/
da hat er sie keyn harbrayt fallen lassen/ den ein böses leben ist/
niendert so schedlich den ein böse leere/ das böse leben ist nye/
mandt schedlicher denn dem der es füredt. Aber böß leer
verfirt offte ein gang land/ das der Bapst ein böse leben füres
mit hūren ꝛc. Das künden wir in wol zu gūten haltenn vnnnd
wol den mantel vnnnd kappen daruber werffen / vnnnd helfen
zudeckenn. Aber das er böse lere in aller wele schwemmet vnd
yederman verfirt / das ist der tod vnnnd in keynen weg zu dul/
den/ darumb seynn die heyligen vil meer/ zu eren vmb der ler/
den vmb yres lebens willenn / das wendet nun die vernunfft
vnd die kan es nicht also fassen / als der heylige geyst / die felde
dahyn/ vnd syhet gleyssen vnd das eusserlich leben an. Vnnnd
will dem nachfolgenn/ da wirt dann ein affen Spyll darauff
da kommen her die ordenn Sant Augustinus hat ein feynn/
leben gefürdt/ dem haben sie wöllen nachfolgen / darumb has
ben sie sein lebenn in ein regel verfast vnnnd ein ordenn gestyfft/
auff sein lebenn als Franciscus ꝛc. So es doch mit dem leben
mißlich ist/ den mann weyß nicht ob in got in yren leben ver/
schont hat / ob er ein woltaefallen hab gehabt / der halben sol

man nichts mit yrem leben bewarē/ wie dan alle Klöster auff
heyiligen leben gestiftet thun/ dann es ist keins heyiligen leben/ so
güt/ das wir vnser gewissen darauff gründen vnd bawen sol
len/ dan sie seynd Ja auch sunder gewesen vnd haben müssen
beten/ wie wir vergebē vns vnser schuld zc. Darauff schliessen
wir das zur bestetigung der lere/ keynes heyiligen lebenn genugs
sam sey/ aber yre leer sol man annemen/ vnd die leer der war
heyt/ darauff meyn gewissen bawenn/ Damit wir auff keyner
creatur steen/ sund allein auff dem wort gots Jurta Esaiam
verbum domini zc.

Epilogus

1 Darumb ist nun der erste mißbrauch / das wir vns der hayli
gen leben zcu einem Exempel vorbilden / vnd ire leben gefast
2 mit regeln / wie dan nun die Orden heer geen. Darnach das
man sich auff der heyiligen werck vnd verdienst tröstet/ vnd
ist dahyn kommen / das man will meer auff der hayligen ver
dienst bawen/ weñ auff Chustus verdienst. Nun Chustus ist
allein der/ der für vns redt vnd verspricht / wie Paulus zu den
Römern. Ca. v. et iij. Die weil wir gerechtuertiget seyn/ so ha
ben wir fryd vnd ainen sichern zcu gang zu got durch chustū
vnd durch seyn blüt / also ist vns hye Chustus zcu aynem /
mitler gestellet / weñ ich nun das nicht thū / sunder ain ander
mittel sūche / so thū ich Christo ayn vneere vnd seynem blūch
ayn schande auff/ wahr ist/ wir sollen ayner den andern eren
vnd für gots kind haltten / das selb sollen wir den hayligen
auch thū / aber das ich mich also diemütigen wolt / vnd nie
zcu got tredte. Sonder ainen hayligen zcu ainem mittel stellen
das soll ich nit thū/ den durch den Christum hab ich gleych
so wol aynenn sichern zcu gang zcu vatter / als sant Peter
oder Paulus / ob sie gleych reycher yhm glawbenn gewesen
seynd. Wann ich / da leydt nichts an / denn ich hab gleych
als woll den Christum das blüt. Denn zcu gang die kost als
sie. Mann hat Christum gemacht / wie aynenn ernstlichenn
grausamenn richter / darumb hat nyemandt wöllenn ohn
ayn myttel hyn zcu geen vnd ist dahyn gekummenn / das
der Sant Peter sant Paulus . zc. Zu eynem patroni.

*Misbrauch der heyli
gen leben zu eynem
Exempel fürzubilden*

AD. RHO: V. 3

*Christus ist das ein
mitler gestellen*

*Christus ist gemacht
wie ein ernstlichenn
grausamenn richter*

A ij

*Patron
Apostell,*

i. Tomy. 2.
Vns drey tag mehr
vor bei e' yom

Unde Dinalap Balm
zu Struburg. cap.
der Jurese. f. 100

Ally man sag die
Geist e' lauff soll

Balm von Balm
in form. f. 100

erwelet hat/ vñnd also yr zu versicht von Christo abgewende
auff die heyligen gestelt vñnd gesprochē. Ich hab S. Peter zc.
Zu eynem Patron/ sant Paulus ist meyn Apostel/ ich vermein
selig zu werden. Also ist Christus auß dem mittel gestelt / war
ists/ wie sie sagen/ das wir nicht an mittel zu got geen sollen/
das mittel ist aber Christus / wie sant Paulus sagt so müssen
wir vnsern Christum eeren/ von den wir vnsern namen haben/
das ich gleych so wol durch Christum zu gott dürffgen wie
sant Peter vñnd Paulus/ damit feldt nun dahin die zu versicht
der heyligen/ so wir allein durch Christum ein zu gang haben.
Darumb ist warlich ein grosse abtgötterey wordenn / an yre
schuld/ vñnd hat mir nicht wöllen gefallen/ das wir vnser hertz
auff sie gewent haben / vñnd vnser hoffnung haben wir zu yn
gehabt/ vñnd in yn gehangen. Aber das furbiten ist einem yet/
lichen/ das ich fur dich vñnd du fur mich betest/ im leben fur die
todten zu bitten / aber die anzuruffen das ist vnns nicht besol/
hen/ wenn wir haben dauon nichts gewiß / die zu versicht sol
man stellen allein auff Christum/ so feldt dan dahin aller hey/
ligen zu versicht/ vñnd wirt vergessen/ wen man die hertzen von
der abtgötterey künd abreyssen/ So wurden die bilder wol vñ
yn selbst fallen. Nun macht man die abtgötterey fallen/ wenn
man die zway stücke thut. Das erste/ das man nicht yr lebenn
an nymbt zu eynem leben/ den es ist myßlich.
Darnach das man die zuuersicht darvon thut/ dann kumbt
man allein auff Christu/ vñ versenckē sich in sein blütt/ vñ wo
wir die zuuersicht auff Christum hetten/ so wurden wir woll
ber heyligen vergessen. So magstu nun sprechenn/ was sollen
wir nun mit den heyligen anheben/ das soltu mit yn thun das
du mit deynem nechsten thust. Gleich als du zum nechstem
sagst/ bit got fur mich / also magstu hie auch sagen/ du sundi/
gest/ nicht wen du sie also anrufft/ auch nicht wen du sy nicht
anrufft/ wie ich radten wolt/ du gebest dich allein auff Chri/
stum/ Sunst kumpt ymer ein frag auß der andern/ ob sie vnns
auch hören/ ob sie schlaffen zc. Vñnd wen man weyt kommet
So ist vns doch nicht darvon geboten/ vñnd sollen vns nicht

bekümmern/wie sy seind dan es ist gnug das wir wissen/sie seind
in Christo/vnd Christus in yn/wie das aber zu geet das sollen
wir aber got beuolhen lassen sein/den das ist gewiß/wen man
got bey denn kleynsten zehenn anrürdt / so erfüllet ers wie er in
Math.sagt/ was yr meynen geringsten habent gethonn das
habt yr mir gethon zc.

Die ander ere ist damit man die heyligenn mit eret / Das ist der
leere halben/die (ist ganz vnd gar ewiglich gepreyset) in Jos
hanne.dann er ist der vorlauff/vnd verkündet den herren/das
rumb wirt er so hoch angezogen / seyns ampts halben/wel
liches dan das gröst ist/ da durch vns kümmt die seligkeyt/das
geet nun alles dahin/das er sol ein leerer sein / das leben lassenn
wir faren/wie er ein gestrenges leben gefürt hat zc. Die leer wel
len wir sehenn. Die geschriefft zeygt Johannes also/das er stee
im mittel/des alten vnd newen testaments/ das er sey ein mit
ler zwischen Mosy vnd Christo/ das ist ein groß ding vnd
vber alle werck zu ziehenn / Also auch Christus hat das gröst
werck thon mit seiner leer/ die wunderzeychen seind nichts ges
genn seyner leer / Also sagt Christus auch Math. ij. Adiebus
Johannis/vonn den tagen des Johannes des Teuffers.byß
hie her leydt das reych der hymmel gewalt / vnd die gewelti
gen reysen es zu yn / dann alle Propheten vnd das ganz ges
etz byß auff Johannem / Dann Johannes erklet das gesetz
das sehe wir das wir nichts seyen/ Vnd weyst vns Christus
vnsrer seligkeyt/ vmb den reysset sich den die ganz welt gleych
wie vmb eynen schatz der yedermann geöffnet ist / Doch setzet
er Johannem mitten zwischenn das alt vnd new testament
das er sie bring in den hymel/vnd hinweck nem die hell/denn
sein stym hat den buchstaben lebendig gemacht / vnd hat den
geyst bracht zu der schryfft vnd hat das gesetz vñ das Euan
gelium mit einander gefürt / das seind die Ander predigenn
Johannes die erst / die da niederlegt / die ander die erhebt/die
ein fürt in die helle/die annder fürt in den hymel/die ein tötedt/
Die annder macht lebendig / die ein verwundet die ander ma
cht gesundt / dann er predigdt das gesetz vnd Euangelium

*Die heylig ist in Christo
vnd Christus in yn*

Mat. 2.

Lex v Evangelium

Johannis Comio
vtr. 2.

tödt vnd seligkēyt der Buchstaben/ vnd den geyst sendt er/ vñ
gerechtigkēyt das sehen wir in Johanne / die erst predig die er
thut/ do schlecht er das gesez fur/ die ist wann man das gesez
geystlich außlegt/ das allen menschen leben vñ werck sundlich
seynd/ vñ das ewigen tods würdig. Darumb strafft er so hart/
die gleyßner die da kōmen/ vnd sich wellen in den hymel heben/
vmb der werck willen/ Johānes aber ye frūmer sie waren/ ye
hertter er sie strafft/ vñ sagt du Otter geizichte wie sicher stest du
den meinstu du wellest den zorn gots entlauffen/ da leget er hin
alle yre werck / vnd sagt das sie des hellischen feurs wert sein/
vnd spricht rechte pūß da seind nieder geschlagen aller heylig
gen leben/ alles das da scheynet gleyßet/ vnd treuget. Also wer
man yezunder auch sagt aller mēschen werck seind des todes
vñnd des hellischen feuers würdig das die werck durch gesez
vñzwungen müssen auffhören/ die stym Johān. wil niemādt
auffnemen. Also kann sant Johannes zu seinem ampt nicht
kōmen/ vnd das volck dem herin bereyten. Aber wen die stym
trifft/ der sagt im herten/ Ja es ist layder war/ ich bin des teu
fels / ein kynd des zorns vñnd der hellenn. Da hebet er dann
an zu bidmen/ vnd zu zitern. Da hat den Johānes sein ampt
gethon/ vnd das volck dem herin bereyt das ist dan sant Jo
hānes erste predige. Also hat dz gesez gewert bis auff Johān.
vnd das gleissen der Pharisēer auch gangen bis auff Johān
nem/ der hat es auff gehabt/ Wan nun die leere ist entpor ges
haben/ das ich nun geschlagen byn in meinē gewissen/ das alle
mein ding nichts sein/ wa wil ich dan hin/ da wirt mir die wele
zu enge werden/ so muß nun Johānes her kōmen/ vñ das new
testament anheben/ vñ die rechte lere anstien/ das er ain rech
ter mitler sey/ vñ sagen. Ich hab euch getauffet mit dem wass
ser/ aber der nach mir kumpt der wirt/ tauffen ym feuer/ vñ geyst/
recht sein finger auff/ vnd weyset/ auff das lemlin gottes/ vnd
sagt/ erken den als ain lemlin/ dem dein sund auff dem halß ly
gen/ vñnd du selig seyest/ so bistu es/ da get nun her die lere des
newen testaments/ also muß man vorhin das hertz tödten vñ
in die höll stossen/ darnach wider herauf heben vnd lebendig

Johannis p. 10

machē/ auß dē gewissen setzen/ vñ sage das gsetz thūt nichts &
seligkeit/ den wir künen nichts thūn das des gsetz fordert/ darū
müß du allein auff das lemlin fallē/ auff des hals ligē die sund
allein die ere müßen wir allein got gebē/ das er vns vō dē sundē
erledigt hat/ den wir kunden kein sund nit büßen / Kayn gnad
erwerben des vñ kein anders. Also ist in dē gsetz & tod/ in chri/
sto das leben/ das gsetz stost in die hell vñ tötet/ Chrust^o erhebt
in den hymel/ vnd macht lebendig / das gsetz macht ein blöde
gwissen/ & Chrustus ein frelichs seligs gewissen/ & Chrust^o gibe
den gayst das gsetz dē buchstaben/ das gsetz beschwert die ges
wissen/ vñ gibe die sünde/ Chrustus erleucht vñ gibe die gerech
tigkeit das seind die zwo predig Johānis / darūb vñ der leren
wille wirt er also groß geacht gegen got/ vñ so seer gepreyset/ dz
er got ein gerüste volck macht/ den er mit dē wort des gsetz
dich hat zu schlagē/ gelert das du im hertze nit seyest/ vñ prey
set got werck/ das macht dz du an dir verzagst vñ allein auf
Christū bawst/ so kübt den got in dich mit gayst/ vñ feur vnd
macht dich from/ nū schau auff obirs nit als im text habē/ also
muß got habē den vorlauff & kübt in den geist/ vñ krafft Helie
den wie Helias straffe/ den künig Achab den frömen/ vñ ye mer
heyligkeit/ der auffricht ye mer der Helias vmb stost/ also muß
auch thun Johan muß zu trümmern stossen alles was vnser ist
hüt euch vor den zu künfftigenn zorn/ den yr seyt verdambt in
den tod Vnd hell/ vnd sage das wir allein auff Christū kōmen
müssen/ vnd das heyst den kōmen in spiritu Helie. also Verstet
yr auch was das ist do der text sagt/ vñnd wirt die hertzen der
kynder bekern zu den veteren/ das ist er sicht in die gschufft/ vñ
sichet an den glauben der veter vñnd furt die kynder auff den
selbigen glauben der veter / also thet Petrus auch Act. xv. wie
vertrauen durch die gnade gots selig zu werden/ wie vnser ve
ter das thut auch Pau. Ro. iij. Credit em̄ Abrahā zc. also das
sey von dem preys der lere Jo. Darumb vnderscheyt das Jo.
wol mit leer vñ lebē/ die leer ist allerwelt seligkeit vñ hilff & selen/
gybt er das ewig leben/ aber der heylig kan triegen nun in dem
sollē wir vns frewē/ vñ got dācken/ das er vns ein solchē man
gebē hat/ & vns also ler vñ weyß/ wie wir sollē selig werden zc.

In spruch Helie

[Faint, illegible text, likely bleed-through from the reverse side of the page]

[Faint handwritten text or signature]



Jb 3942

ULB Halle 3
003 347 362



86





